

Anno<sup>h</sup> 1380. vmb Georgi hat Graf Rudolff<sup>12</sup> ein Osterspil<sup>13</sup> zu Veldtkirch vf dem Gottsackher<sup>11</sup> gehebt, dz weret 3. tag gar schön vnd Costet in 500. fl. In disem Jar ward ein großer sterbend im ganzen land . . . .

Anno<sup>i</sup> 1382. bauet mein herr Graf Heinrich<sup>15</sup> seinen weiher vf Balmist<sup>16</sup> . . . . / . . .

Anno 1383. waß der Todt in allen landen, vnd sturben zu Feldtkirch wol 130. Menschen an den bülen. vnd Graf Rudolff<sup>12</sup> vnd Graf Heinrich von Vaduz<sup>15</sup> zogen mit hauß gen Chur. . . .

Anno 1390. fieng mein herr Graf Rudolff<sup>12</sup> dz ander Osterspil an zu Veldtkirch (am Gottesacker), vnd weret 3. tag gar schön. In<sup>h</sup> disem Jar starb mein herr Graf Rudolff von Montfort, an St. Othmars<sup>17</sup> abend, vnd ward mit Jm schilt vnd helm begraben, vnd fiel die herrschafft an dz hauß Österreich.<sup>18</sup>

Anno 1395.<sup>19</sup> zoch Herzog Leopold von Österreich für Rhineckh<sup>20</sup> vnd besaß daß, vnd Bischoff Hartman von Chur zog<sup>21</sup> mit den seinen gen Bux,<sup>22</sup> vnd die von Veldtkirch gen Grapß<sup>23</sup> vnd gen Flumbß,<sup>24</sup> vnd besaßen also Werdenberg . . . .

Anno<sup>m</sup> 1404. zogen die von Feldtkirch für Werdenberg vnd besaßen die Statt, vnd ward tädiget, dz sie daruon zogen, vnd dz Stättle vfgaben zu der herren von Österreich handen, mit allen den Rechten die Graf Heinrich von Tettngang<sup>25</sup> darzu hatt.<sup>26</sup>

In diser Zeit fieng Graf von Stülingen<sup>27</sup> dozermal meiner herrschafft von Österreich Landvogt, Graf Hartman bischoff zu Chur, vnd Graf Hugon zu Sarganß<sup>28</sup> / in Gofwin schreibers hauß, vnd über 9. monat<sup>29</sup> ward er wider ledig, vnd sazt da vnser frawen Empfenggnuß tag vf zu feyern.<sup>30</sup>

Anno<sup>n</sup> 1405 . . . . Vli<sup>n</sup> Seger<sup>31</sup> von Meyenfeld . . . .

In dem selbigen Jar an St. Michelfß abend<sup>32</sup> verbranten<sup>33</sup> die Walgwer die nachgeschribnen Vestinen, Jagberg,<sup>34</sup> / Blumenegg,<sup>35</sup> vnd Ramschwag,<sup>36</sup> vnd die vesti zu Bürß.<sup>37</sup>